



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-3889/24
Sarajevo, 25.01.2024.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnika Šaljić Jasmina-dostavlja se;

VEZA: Vaš akt broj:01-04-50075-16/23 od 24.11.2023. godine;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničku inicijativu zastupnika Šaljić Jasmina, strane Ekspertne radne grupe za postavljanje novih jeidnica stacionarnih radara i ocjenjivanje opravdanosti inicijativa.

S poštovanjem,

Prilog:

-Akt Ekspertne radne grupe za postavljanje novih jeidnica stacionarnih radara i ocjenjivanje opravdanosti inicijativa.broj:01-30-1-4378-3-26-3/23 od 24.01.2024.godine;
-CD x1.

Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Ekspertna radna grupa za
razmatranje inicijativa za postavljanje novih jedinica
stacionarnih radara i ocjenjivanje opravdanosti inicijativa

Broj: 01-30-1-4378-3-26-3/23

Datum: 24.01.2024. godine

MUP KANTONA SARAJEVO

n/r gospodji Nefisa Dobrača-Mahmutagić, sekretar

PREDMET: Ulica Adema Buće, Općina Novi Grad, inicijativa za postavljanje radara za mjerjenje brzine odgovor, -

VEZA; Akt Skupštine Kantona Sarajevo broj 01-04-50075-16/23 od 24.11.2023. godine

Akt Ministarstva saobraćaja Kantona Sarajevo broj 04-23-50075/23 od 04.12.2023. g

U prilogu Vam na upoznavanje dostavljamo sačinjeni odgovor na inicijativu, Ekspertne radne grupe za razmatranje inicijativa za postavljanje novih jedinica stacionarnih radara i ocjenjivanje opravdanosti inicijativa, dostavljena od strane Skupštine Kantona Sarajevo, broj 01-04-50075-16/23 od 24.11.2023. godine, zastupnička inicijativa g.dina Jasmina Šaljića, gdje se traži postavljanje kamere za kontrolu brzine kretanja vozila na dijelu puta ulice Adema Buće, na udaljenosti od oko jedan kilometar od Osnovne škole "Avdo Smajlović " prema deponiji "Smiljevići", općina Novi Grad.

PRILOG; 1 x odgovor na inicijativu, od 23.01.2024. godine

1 x akt Skupštine Kantona Sarajevo br. 01-04-50075-16/23 od 24.11.2023. godine

1 x zastupnička inicijativa g.dina Šaljić Jasmina

1 x akt Ministarstva saobraćaja Kantona Sarajevo broj 04-23-50075-16/23

PREDSJEDAVALAJUĆI RADNE GRUPE

/Edin/Hodžić

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Ekspertna radna grupa za
razmatranje inicijativa za postavljanje novih jedinica
stacionarnih radara i ocjenjivanje opravdanosti inicijativa

Broj: 01-30-1-4378-3-I-26/23

Datum: 23.01.2024. godine

PREDMET: Ulica Adema Buće, Općina Novi Grad, inicijativa za postavljanje radara za
mjerenje brzine, o d g o v o r , -

I
(Generalne informacije)

U cilju objektivne procjene potrebe za postavljanjem radara na području Kantona Sarajevo, Rješenjem Ministarstva unutrašnjih poslova Kantona Sarajevo broj 01-30-1-4378 od dana 05.10.2021.godine, te Rješenja o izmjeni rješenja broj 01-30-1-4378-3/21 od 19.10.2023. godine, formirana je Ekspertna radna grupa za razmatranje inicijativa za postavljanje novih jedinica stacionarnih radara i ocjenjivanje opravdanosti inicijativa (u daljem tekstu Ekspertna radna grupa).

Dana 11.12.2023. godine Ekspertna radna grupa je zaprimila akt Skupštine Kantona Sarajevo, broj 01-04-50075-16/23 od 24.11.2023. godine, sa zastupničkom inicijativom g.dina Jasmina šaljica, kojim se između ostalog traži postavljanje kamere za kontrolu brzine kretanja vozila na dijelu puta ulice Adema Buće, na udaljenosti od oko jedan kilometar od Osnovne škole "Avdo Smajlović " prema deponiji "Smiljevići", općina Novi Grad.

II
(Odgovor na zastupničku inicijativu)

Na osnovu tačke I Rješenja o formiranju ekspertne radne grupe, na sjednici održanoj dana **11.01.2024.** godine, Ekspertna radna grupa je razmatrala pristigle inicijative, među kojima je i **zastupnička inicijativa g.dina Jasmina Šaljica, gdje se traži postavljanje kamere za kontrolu brzine kretanja vozila na dijelu puta ulice Adema Buće, na udaljenosti od oko jedan kilometar od Osnovne škole "Avdo Smajlović " prema deponiji "Smiljevići", općina Novi Grad.**

S ciljem objektivnog sagledavanja opravdanosti realizacije predmetne inicijative, Ekspertna radna grupa zatražila je od organizacionih jedinica Uprave policije Ministarstva unutrašnjih poslova Kantona Sarajevo, Odjeljenja za saobraćajne istrage, Jedinice za saobraćaj i Policijske uprave Novi Grad, cjelovitu informaciju o broju saobraćajnih nezgoda, evidentiranih na predmetnom lokalitetu, za period **01.12.2020. do 30.11.2023. godine**

Ekspertna radna grupa, vezano za prethodni upit, zaprimila je akt Odjeljenja za saobraćajne istrage broj 02/2-3-03-31-38-21/23 od 08.12.2023. godine, u kojem je konstatovano da je za vremenski period

01.12.2020 do 30.11.2023. godine, u ulici Adema Buće od OŠ "Avdo Smajlović" prema deponiji "Smiljevići" registrovano ukupno 5 saobraćajnih nezgoda sa povrijeđenim licima. U tim saobraćajnim nezgodama, sedam (7) osoba je zadobilo teže tjelesne povrede, dva (2) pješaka su teže povrijeđena, a PET (5) lica je lakše tejelesne povrede zadobilo u nezgodama za koje su uviđaj izvršili policijski službenici Odjeljenja za saobraćajne istrage.

U aktu Jedinice za saobraćaj broj 02/2-6-03-1829/23 od 11.12.2023.godine, konstatovano je da za vremenski period 01.12.2020 do 30.11.2023. godine, u ulici Adema Buće na udaljenosti od oko jedan kilometar od OŠ "Avdo Smajlović" prema deponiji "Smiljevići", od strane policijskih službenika Jedinice za saobraćaj nije vršen uviđaj saobraćajnih nezgoda .

Prema podacima iz informacije Policijske uprave Novi Grad broj 02/11-1-03-3-5742/23 od 18.12.2023. godine, u ulici Adema Buće na udaljenosti od oko jedan kilometar od OŠ "Avdo Smajlović" prema deponiji "Smiljevići", za period 01.12.2020 do 30.11.2023. godine, evidentirano je sljedeće; Ukupno evidentiranih saobraćajnih nezgoda - 213, broj saobraćajnih nezgoda sa povrijeđenim licima - 13, broj povrijeđenih pješaka - 1. Broj saobraćajnih nezgoda u kojima je uzrok bila neprilagođena brzina je 9.

Također, u cilju sagledavanja stanja saobraćajne infrastrukture, frekvencije saobraćaja i drugih relevantnih faktora, koji utiču na sigurnost učesnika u saobraćaju, Ekspertna radna grupa izvršila je obilazak dijela saobraćajnice na kome je dostavljenom inicijativom predloženo postavljanje stacionarnog radara.

Uzimajući u obzir sve gore navedeno, na sjednici Ekspertne radne grupe, održanoj dana 11.01.2024. godine, usvojen je sljedeći zaključak;

Zastupnička inicijativa g.dina Jasmina šaljčića, gdje se traži postavljanje kamere za kontrolu brzine kretanja vozila na dijelu puta ulice Adema Buće, na udaljenosti od oko jedan kilometar od Osnovne škole "Avdo Smajlović" prema deponiji "Smiljevići", općina Novi Grad, konstatuje se sljedeće; obzirom na specifičnost geografskog položaja naselja Buća Potok i ulice Adema Buće cijelom dužinom, blizine škole, velike frekvencije stanovništva ulicom Adema Buće, smatramo da je potrebno konstatno angažovanje i praćenje situacije po pitanju sigurnosti građana u saobraćaju u ulici Adema Buće. Ekspertna radna grupa je u ranijem periodu, razmatrala inicijativu za postavljanje radarskog sistema u ulici Adema Buće u blizini OŠ "Avdo Smajlović" (28.12.2021. godine), te prilikom ocjene opravdanosti tadašnje inicijative, Ekspertna radna grupa je posebno imala u vidu da ulica Adema Buće gravitira kroz gusto naselje Buća Potok, da se navedenom saobraćajnicom svakodnevno kreće veliki broj jedinica motornih vozila, posebno iz kategorije teretnih motornih vozila koja u više navrata u toku dana saobraćaju na relaciji grad - deponija Smiljevići - grad, da se duž saobraćajnice kreću djeca - učenici O.Š. "Avdo Smailović" prilikom odlaska u školu i povratka iz škole, da se osnovna škola nalazi uz navedenu saobraćajnicu, te da najveći broj učenika mora na putu od kuće do škole i obratno, preći kolovoz ulice Adema Buće. Uzeto je u obzir i da je u ranijem periodu od strane nadležnog organa na dva mjesta, preko kolovoza ulice Adema Buće, u blizini O.Š. "Avdo Smailović", izvršeno postavljanje posebnih objekata na putu (zvučne/vibracijske trake), kojim se upozoravaju vozači na potrebu smanjenja brzine kretanja vozila, što nije uticalo na povećanje stepena sigurnosti učesnika u saobraćaju, pa je stoga ocijenjeno da bi se efekat smanjenja saobraćajnih nezgoda, a posebno onih sa teškim posljedicama, uveliko mogao postići sprečavanjem obijesne vožnje instaliranjem stacioniranog radarskog uređaja sa fotoregistracijom, u ulici Adema Buće, u blizini O.Š. "Avdo Smailović", što je i učinjeno te je postavljen radarski sistem u ulici Adema Buće u blizini OŠ "Avdo Smajlović".

Uzevši u obzir sve gore navedeno, naročito broj saobraćajnih nezgoda, specifičnost ulice Adema Buće, ali i da je nedavno postavljen radarski sistem u neposrednoj blizini tražene lokacije, Ekspertna radna grupa je mišljenja da je potrebno u narednom periodu (ne dužem od 6 do 9 mjeseci), posebno pratiti i analizirati saobraćajnu problematiku, na lokaciji traženoj u zastupničkoj inicijativi g.dina Jasmina Šaljčića. Obzirom da indikatori provjere uspješnosti postavljanja radarskog sistema na sadašnjoj lokaciji u ulici Adema Buće još uvijek traju, time će i postavljanje novog radara na adekvatnu mikrolokaciju u ulici Adema Buće dati veće afekte.

III (Prijedlog mjera)

S obzirom da navedena inicijativa daje mogućnost većeg angažmana po pitanju sigurnosu saobraćaja u ulici Adema Buće, članovi Ekspertne radne grupe predlažu mjere koje će doprinijeti povećanju stepena sigurnosti saobraćaja na traženoj lokaciji, te u narednom periodu odrediti se po pitanju lokacije postavljanja radarskog sistema:

1. Pojačati prisustvo policijskih službenika na predmetnom lokalitetu u vrijeme pojačane frekvencije kretanja pješaka i vozila,
2. Planirati planski i kontinuirano kontrolu brzinu kretanja vozila na predmetnom lokalitetu od strane policijskih službenika, kao i kontrolu poštivanja saobraćajnih pravila od strane vozila i pješaka.
3. Izvršiti analizu cjelokupne saobraćajne signalizacije na predmetnoj lokaciji

Shodno prethodnom, a uvažavajući usvojene prijedloge, odgovor na ovu inicijativu bit će dostavljen i nadležnim institucijama, kao poziv da realiziraju alternativno predložene mjere povećanja stepena saobraćajne sigurnosti na predmetnom lokalitetu.

Ekspertna radna grupa će u narednom periodu (ne duže od 6 do 9 mjeseci), ponovo uzeti u razmatranje svih pokazatelja, te pokazatelja stanja sigurnosti saobraćaja koji će se pratiti u narednom periodu, te će dati mišljenje o opravdanosti postavljanja stacionarnog radara na traženoj lokaciji.

PREDSJEDAVAJUĆI RADNE GRUPE

Edin Hodžić

DOSTAVITI:

1. MUP KANTONA SARAJEVO, n/r gosp. Admir Katica, ministar,
2. UPRAVA POLICIJE, n/r gosp. Fatmir Hajdarević, policijski komesar,
3. MUP KANTONA SARAJEVO, n/r gospodji Nefisa Dobrača - Mahmutagić, sekretar,
4. Uprava policije, Sektor uniformisane policije, Jedinica za saobraćaj, komandiru
5. Uprava policije, PU Novi Grad, načelniku
6. a/a.



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj:01-04-50075-16/23
Sarajevo, 24.11.2023. godine

-MINISTARSTVO SAOBRAĆAJA KANTONA SARAJEVO

**-UPRAVA POLICIJE MINISTARSTVA UNUTRAŠNJIH POSLOVA
KANTONA SARAJEVO
Ul. La Benevolencije 16**

**ЕКСПЕРТНА РАДНА ГРУПА ЗА РАЗМАТРАНЈЕ ИНИЦИЈАТИВА ЗА ПОСТАВЉАЊЕ
НОВИХ ЈЕДИНИЦА СТАЦИОНАРНИХ РАДАРА И ОЦЈЕНЈИВАЊЕ ОПРАВДАНОСТИ
ИНИЦИЈАТИВА УПРАВЕ ПОЛИЦИЈЕ МИНИСТАРСТВА УНУТРАШЊИХ ПОСЛОВА
КАНТОНА САРАЈЕВО**

PREDMET: Zastupnička inicijativa, dostavlja se -

Zastupnik Jasmin Šaljić u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), na 12. radnoj sjednici Skupštine Kantona Sarajevo, održanoj dana 24.11.2023.godine, u okviru tačke Dnevnog reda "Poslanička/zastupnička pitanja, inicijative i odgovori", uputio je zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa



**ПРЕДСЈЕДАВАЈУЋИ
СКУПШТИНЕ КАНТОНА САРАЈЕВО**

Elvedin Okerić

CO:

- sekretar SKS
- sekretar Vlade

Bosna i Hercegovina
Federacija Bosne i Hercegovine
Kanton Sarajevo

Zastupnik u Skupstini Kantona Sarajevo
Jasmin Saljić
Sarajevo, 23.11.2023. godine

Predmet; Inicijativu upucujem Ministarstvu saobraćaja i Upravi Policije Kantona Sarajevo kao i ekspertnoj grupi u Upravi Policije da postave stacionarnu uredjaj-radar na pravcu u ulici Adema Buće kod broja 386 sa ograničenjem brzine na 50 kilometara na sat.

Kao zastupnik u Supstini Kantona upucujem inicijativu prema Ministarstvu saobraćaja, Ministarstvu Unutrasnjih Poslova, Upravi policije Kantona Sarajevo kao i ekspertnoj grupi u Upravi Policije koja ima zadatak da procijeni opravdanost za postavljanje stacionarnih radara na podrucju Kantona Sarajevo da razmotri moj zahtjev odnosno inicijativu koju sam dostavljao i ranije na zahtjev gradjana i savjeta mjesnih zajednica Dolac i Adema Buće u kojima je trenutno nastanjeno oko 20.000 stanovnika.

Ovom se prilikom u ime ovih mjesnih zajednica i gradjana zahvaljujem jer ste odobrili postavljanje radara u istoj ulici kod Osnovne skole Avdo Smailovic.

Radar ima svoju svrhu, vozaci voze sporije i gradjani su vam zahvalni.

Da bi zaokruzili ovaj proces od Osnovne skole prema deponiji na udaljenosti od prilike oko jedan kilometar nalazi se pravac u duzini od oko 500 metara gdje nesavsjeni vozavi razvijaju brzine cak i skoro tri puta vece od dozvoljene a cesto je to i preko 130 kilometara na sat.

Napominjem da ovom glavnom ulicom se krecu djeca iz skole Avdo Smailovic kojih ima preko 1.200, cesta nema zastitnu ogradu, veoma je opterecena kamionima za odvoz otpada na deponiji Smiljevici, zbog gustine saobraćaja cesta su preticanja i udesi bas kod ovog broja u ulici Adema Buće 386.

Kod ovog broja izlaze i bocne ulice koje nemaju nikakav vizelni pregled pa je i to jos dodatno otejavajuca okolnost.

Molim Vas iz ekspertne grupe da jos jednom razmotrite ovaj moj zahtjev u ime 20.000 gradjana naselja Buca Potok i da se na terenu licno uvjerite u vezi opravdanosti za postavljanjem radara sa maksimalnom brzinom od 50 kilometara na sat.

Inicijativu podnio:
Jasmin Saljić



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-23-50075-16/23
Sarajevo, 04.12.2023. godine

MINISTARSTVO UNUTRAŠNJIH POSLOVA
KANTONA SARAJEVO
Ul. Zmaja od Bosne br. 15

**n/r EKSPERTNA RADNA GRUPA ZA RAZMATRANJE INICIJATIVE ZA POSTAVLJANJE
NOVIH JEDINICA STACIONIRANIH RADARA I OCJENJIVANJE OPRAVDANOSTI
INICIJATIVA**

PREDMET: Dostava akta na nadležno postupanje

Poštovani,

Ministarstvo saobraćaja Kantona Sarajevo je zaprimilo akt Skupštine Kantona Sarajevo, broj: 01-04-50075-16/23 od 24.11.2023. godine, a kojim je dostavljena zastupnička inicijativa zastupnika u Skupštini Kantona Sarajevo, Jasmina Šaljića, upućena na Dvanaestoj radnoj sjednici Skupštine Kantona Sarajevo, održanoj dana 24.11.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a sve u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka).

S obzirom da se naprijed navedena zastupnička inicijativa odnosi na postavljanje stacionarnog radara, istu Vam dostavljamo na dalje postupanje.

S poštovanjem,


Dostaviti:

1. Naslovu s prilogom
2. Evidenciji
3. A/a



OVLAŠTENJU MINISTRA
OMOĆNIK MINISTRA

Tarik Bašović



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/10-04-2-190/23

Dana: 27.12.2023. godine

KANTON SARAJEVO
MINISTARSTVO UNUTRAŠNJIH POSLOVA
Sekretar Ministarstva

PREDMET: Zastupnička inicijativa, odgovor, d o s t a v l j a m o.-

Veza: Vaš akt broj: 01-9-02-2-6281/23 od 08.12.2023. godine

Zastupnica Marijela Hašimbegović u skladu sa članom 106. Poslovnika Skupštine Kantona Sarajevo ("Službene novine Kantona Sarajevo" broj : 41/12 - Dugi prečišćeni tekst, 15/13, 43/13, 47/15, 48/16, 9/20, 14/20, 16/22 i 17/22 - Ispravka), dana 30.11.2023. godine uputila je zastupničku inicijativu:

Upućujem hitnu inicijativu u ime građana sa ciljem zaštite od mogućeg ponavljajućeg fizičkog napada od strane osobe za koje postoje indicije da je u statusu beskućnika i stanja socijalne potrebe u smislu institucionalnog zbrinjavanja i neophodne skrbi.

Obrazloženje:

U više navrata zaprimila sam upit o načinu zaštite građana od strane lica za kojeg postoje indicije da je u statusu beskućnika pod imenom Robert Marjanović i za kojeg očekujem institucionalno zbrinjavanje u skladu sa stručnom opservacijom stanja u kojem se nalazi. Posljednje u nizu zastrašivanja i potencijalnog fizičkog napada i nasrtaja prijavila je gđa. Lejla Karić, nastanjena u ulici Azize Šaćirbegović 12, koja traži zaštitu od ovakvih opasnih po život potencijalnih ponavljajućih radnji fizičkog nasrtaja od strane Roberta Marjanovića. Inicijativu dostavljam svim resorima u čijoj nadležnosti su ovakvi primjeri lica u socijalnoj potrebi kako bi zajedno došli do rješenja i neophodnog zbrinjavanja. Lično se stavljam na raspolaganje za sve aktivnosti koje su u nadležnosti Skupštine po ovom pitanju jer navedenu osobu, Roberta Marjanovića lično poznajem iz vremena školskih dana uz sjećanje i slike pristojnog dječaka sa kojim se poigrala životna sudbina i dovela ga u stanje u kojem je sada. Ne znam da li je navedena osoba pod uticajem nedozvoljene supstance, ali često se može vidjeti da pretražuje kontejnere za otpad i u posljednje vrijeme stanovnici nasljea Hrasno izražavaju zabrinutost radi njegovog nasilnog ponašanja. Molim da se svi uključite kako bi došli do adekvatnog rješenja sa ciljem zaštite lica i imovine i zbrinjavanja onih kojima je institucionalna pomoć potrebna.

Odgovor na zastupnički inicijativu:

U okviru poslova utvrđenih odredbama člana 8. i 20. Zakona o unutrašnjim poslovima Kantona Sarajevo, ("Službene novine Kantona Sarajevo" broj 01/16, 26/19, 31/19. i 39/20) i Zakona o policijskim službenicima Kantona Sarajevo („Službene novine Kantona Sarajevo, broj 38/18, 26/19

i 39/20") policijski službenici Uprave policije, MUP-a Kantona Sarajevo, na području Kantona Sarajevo, obavljaju poslove zaštite života i imovine, kao i drugih prava i sloboda utvrđenih ustavima u Bosni i Hercegovini, sprečavanje, otkrivanje i istragu krivičnih djela i prekršaja u skladu sa zakonom, poslove i zadatke koji se odnose na održavanje javnog reda i mira, te pružanje pomoći drugim državnim organima i pravnim licima kojima je povjereno vršenje javnih ovlaštenja u skladu sa posebnim propisima.

Shodno navedenom, policijski službenici PU Novo Sarajevo - PS Novo Sarajevo, za period od 01.01.2023. godine do 25.12.2023. godine, na okolnosti događaja prijavljenih PU Novo Sarajevo, u ulici Azize Šaćirbegović broj 12, područje Općine Novo Sarajevo, koji se dovode u vezu sa licem Marjanović Robert, intervenisali 09 (devet) puta, uključujući i intervenciju koja se navodi u obrazloženju Zastupničke inicijative, koju je tražila gđa. Lejla Karić, gdje su policijski službenici u skladu sa zakonom i nadležnostima poduzimali predviđene mjere i radnje.

Pored navedenog, želimo napomenuti da je prilikom intervencije od strane policijskih službenika, u dva slučaja, kada je imenovani zatečen na navedenoj adresi, putem telefona od strane rukovodioca smjene, obaviješten dežurni u Centru za socijalni rad Novo Sarajevo, nakon čega je socijalni radnik putem telefona, kontaktirao dežurnog u KJU „Gerontološki centar“, gdje je od strane istog, obaviješten da su kapaciteti navedenog centra popunjeni, dok je u drugom slučaju nakon što je obaviješten dežurni u centru za socijalni rad, na lice mjesta izašao dežurni socijalni radnik, koji je tom prilikom putem telefona, kontaktirao nadležne u KJU „Gerontološki centar“, gdje je tom prilikom od strane dežurne odgovorne osobe navedenog centra, upoznat da je lice Marjanović Robert, u ranijem periodu boravilo u centru, ali da zbog svog asocijalnog ponašanja, isti ne može biti primljen u navedeni centar, nakon čega je isti po uputama dežurne socijalne radnice vozilom Zavoda za hitnu medicinsku pomoć Kantona Sarajevo, prevezen na Kliniku za psihijatriju, KCU Sarajevo, gdje je pregledan od strane dežurnog dr. koji je izjavio da lice ne pokazuje indikacije za hospitalizaciju na Kliniku za psihijatriju.

Od strane PU Novo Sarajevo - PS Novo Sarajevo, radi poduzimanja mjera i radnji koje su u nadležnosti Centra za socijalni rad, pisemnim putem obaviještena je JU Centar za socijalni rad Novo Sarajevo.

Policijski službenici PU Novo Sarajevo u narednom periodu preduzimati će sve mjere i radnje u skladu sa zakonom i nadležnostima, u cilju zaštite života i imovine građana, te pružiti svu nepohodnu pomoć drugim organima, u cilju rješavanja navedenog problema, kao i u slučaju potreba prilikom smještaja lica Marjanović Roberta, u neku od ustanova nadležnih za zbrinjavanje beskućnika.

S poštovanjem,



POLICIJSKI KOMESAR
Generalni inspektor policije
Fatmir HAMAREVIC

